

DISPUTATIO CHEMICO-PHILOSOPHICA

INAUGURALIS

DE

A Æ R I B U S.

DISPUTATIO CHEMICO-PHILOSOPHICA
INAUGURALIS

DE

A Æ R I B U S :

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GEORGII BAIRD, SS.T.P.

ACADEMIÆ EDINBURGENÆ PRÆFECTI;

NECNON

Amplissimi SENATUS ACADEMICI Consensu, et

Nobilissimæ FACULTATIS MEDICÆ Decreto;

Pro Gradu Doctoris,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

ERUDITORUM EXAMINI SUBJICIT

PETRUS MURRAY,

JAMAICENSIS:

SOCIET. NATUR. RER. STUDIOS. EDIN.

SOCIUS.

Ad diem 24. Junii, horâ locoque solitis.

EDINBURGI:

EXCUDEBANT ADAMUS NEILL ET SOCIJ.

1802.

Digitized by the Internet Archive
in 2020 with funding from
Wellcome Library

VIRO

SPECTATISSIMO,

MAXWELL GARTHSHORE, M.D.

SOCIET. REG. LOND. ET EDIN. SOCIO ;

OB

PERITIAM IN ARTE MEDICA,

ET

BENEVOLENTIAM ET PIETATEM VITÆ,

PARITER INSIGNI ;

PROPTER

BENEFICIA FERE INNUMERA,

ET

AMOREM PATERNUM,

IN SE COLLATA ;

HANC DISSERTATIONEM DICATAM

VOLUIT

AUCTOR.

INDEX.

| | | | | |
|---------------------------------|---|---|---|--------|
| Proœmium, | - | - | - | Pag. 1 |
| <i>DE GASE OXYGENIO,</i> | - | - | - | 6 |
| De Aura Atmosphærica, | - | - | - | 12 |
| De Oxydo Nitroso, | - | - | - | 13 |
| De Gase Muriatico, | - | - | - | 17 |
| De Gase Muriatico Oxygenato, | - | - | - | 19 |
| De Gase Fluorico, | - | - | - | 22 |
| De Gase Sulphuroso, | - | - | - | 24 |
| De Gase Carbonico, | - | - | - | 25 |
| <i>DE GASE NITROGENIO,</i> | - | - | - | 28 |
| De Gase Nitroso, | - | - | - | 33 |
| De Gase Ammoniaco, | - | - | - | 36 |
| <i>DE GASE HYDROGENIO,</i> | - | - | - | 38 |
| De Gase Hydrogenio Nitrogenato, | - | - | - | 43 |
| De Gase Hydrogenio Phosphorato, | - | - | - | 44 |
| De Gase Hydrogenio Sulphurato, | - | - | - | 46 |
| De Gase Hydrogenio Carbonato, | - | - | - | 48 |

DIS-

DISPUTATIO CHEMICO-PHILOSOPHICA

INAUGURALIS

DE

A È R I B U S.



P R O O E M I U M.

DE aërum nuper repertorum dotibus et historia, qui tantum imperio naturæ, et scientiæ hodiernæ addiderint, pauca tradere placet. Id libentiùs fecerim, quia leges hujus Academiæ celeberrimæ, aliquid hujusmodi a discipulis ejus poscunt; non tamen sperans multum novi proferre, quippe, cui nova experimenta instituire et adducere, nec tempus nec copia fuerunt.

Imperio Naturæ hanc scientiam, accessionem recentem judicavi, quia veteres philosophi, licèt multos aëres noxios cognoverint, tamen

A

utrùm

utrùm ab aliis singuli proprietatibus chemicis distincti essent, aut etiam formâ aëreâ semper manerent, ignorabant. Antiquitùs enim antro-
rum fodinarumque vapores lethiferos noverunt ;
et antrum hujus generis, Neapoli vicinum, *Grot-
to del Cane* ab Italis dictum, apud veteres et ho-
diernos multùm inclaruit.

Quidam ex chemicis seculi decimi septimi,
proprietates, et vim resiliendi perpetuam, aërum
quorundam, bene intellexisse videntur : sed in
re tam obscura, illorum virorum sagacissimorum,
qui aliquid novi reppererint, aut viam reperiendi
posteris patefecerint, nomina tantùm memorare
ausim.

MAYOW, Anglus, circa annum millesimum
sexcentefimum septuagesimum quartum salutis
humanæ, partes componentes aëris communis,
et usum in respirando, sanguine ab eo qualitates
singulares accipiente, demonstrâsse videtur*.

Celeberrimus BOYLE, circa finem seculi ejus-
dem, fluidum aëreum vi resiliendi perpetuâ præ-
ditum,

* Tractatus Medico-physici quinque, No. 1. Oxon. 1674.

ditum, ex corporibus putrescentibus et liquoribus effervescentibus, elicuit *.

Postea, BROWNRIGG, medicus, alia observata congestit †; et ab his, atque suis, illustrissimus BLACK acidum carbonicum in lucem protulit.

Hoc inventum luculentum aliis eodem itinere proficiscentibus incitamentum dedit; et in hac re SCHEELE, PRIESTLEY, CAVENDISH, et multi alii, famam perennem sibi peperêre.

Postremum LAVOISIER, Galliæ decus, novam institutionem chemiæ introduxit, Systema Pneumaticum quæ vulgò appellatur. Chemici insignissimi hujus sententiæ jam accesserunt; et inventa nova quotidie aggeruntur.

Hinc, aërum horum doctrina res scitu dignissima evasit, et divisio nova, a tribus aliis Naturæ regnis clarè distincta, meritò existimari debet. Ideoque HOMIUS noster, in prælectionibus de re pharmaceutica, his nomen Regni Gasei ingeniosè indidit, et discipulis suis tractare seorsum consuevit. Cùm autem aërum illorum scientia nos-

* Boyle's Works, vol. iv. p. 236, et seq.

† Philosophical Transactions, vol. lv.

tra valdè imperfecta sit, et relationes suas inter sese connectentes vix adhuc vel minimo scimus, optimum ordinandi modum invenire difficillimum est. Sed cùm scientia pneumatica longiùs sese protulerit, et ad perfectionem propiùs accesserit, speramus hanc quartam divisionem Naturæ ab aliquo novo LINNÆO pulchrè dispositum et ordinatum iri.

In hac dissertatione, aëres compositos sub tribus simplicibus, *Oxygenio*, *Nitrogenio*, *Hydrogenio*-que instruxi, et singulos compositorum sub illo simplici, cui naturâ vel constitutione maximè cognatus videtur, disposui. De his aëribus igitur differere pergam, et gase insigniora describere tentabo. Sed mihi tantum opus conaturo, præstat vocabulum *gas* prius explicare, et quo sensu in hoc opusculo sæpius usurpandum invenietur.

Gas, fluidum aëreum, elasticum, est ; in temperie mediâ [55°] atmosphæricâ, et barometrum pollices viginti novem premens, constanter aëriforme.



GAS OXYGENIUM.

Cum Nitrogenio.

Auram Atmosphæricam.

Oxydum Nitrosum.

Cum Base Muriatico.

Gas Muriaticum.

Gas Muriaticum Oxygenatum.

Cum Base Fluorico.

Gas Fluoricum.

Cum Sulphure.

Gas Sulphurosum.

Cum Carbone.

Gas Carbonicum.

GAS NITROGENIUM.

Cum Oxygenio.

Gas Nitrosum.

Cum Hydrogenio.

Gas Ammoniacum.

GAS

GAS HYDROGENIUM.

Cum Nitrogenio.

Gas Hydrogenium Nitrogenatum.

Cum Phosphoro.

Gas Hydrogenium Phosphoratum.

Cum Sulphure.

Gas Hydrogenium Sulphuratum.

Cum Carbone.

Gas Hydrogenium Carbonatum.



GAS OXYGENIUM.

Colorem et odorem ferè nullum habet ; si inhale-
tur immistum, pulmones inflammatione affi-
cit ; flammam sustinet, et lucernæ ardentis
fulgorem auget.

Hic aërum omnium longè princeps est, quip-
pe ab illo animalia et vegetabilia aluntur, et de-
cus atque vigorem ducunt. Ferè omnes naturæ
partes,

partes, oxygenio, in forma solida, liquida, vel aërea, fecundæ sunt ; et omnia pervadit.

Aliqui ex chemicis vetustioribus, hunc aërem quatenus certè noverunt : MAYOW, præsertim, aërem communem fluidum esse compositum perspexisse videtur : Sed proprietates pleniores aëris vitalis, haud tum cognitæ fuerunt. PRIESTLEY, SCHEELLE, LAVOISIER, circa annum MDCCLXXV, aërem quem a nigro *manganefio* elicuerunt animadvertère, et vires clarissimas in respiratione et combustionem sustinenda, observare cœperunt.

Experimentis multis et ingeniosissimis, aërem communem ex duobus aliis constare LAVOISIER tandem exploravit, uno vitam et flammam prorsus extinguente, altero candelæ lumen animaliumque animam multò longiùs alere valente, quàm aëri atmosferico contingere licuit.

Alio gasè, Hydrogenio postea vocato, conjunctum, aërem vitalem, aquam constituere idem invenit, eundemque aciditatis et combustionis principium esse.

Proprietates insigniores aëris hujus philosophi diligentissimè indagaverunt, quarum hæ præcipuæ sunt : Splendorem lucernæ multò longiùs
et

et clariùs auget, quàm aër communis efficere potest; quædam corpora inflammabilia, ut phosphorum, exempli gratiâ, calore et candore mirificò in hoc aëre comburuntur. Animalia in gase oxygenio multò diutiùs vivere possunt, quàm in æqua portione aëris atmosphæricæ. Oxygenium translucidum et sine colore est. Gravitas ejus specifica est 1.3562; pedis cubici pondus 593.32.

Aër hicce à rebus compluribus comparari potest; ab argenti vel hydrargyri nitratibus, à manganefii, plumbi, vel oxydis similibus. Hæc acido sulphurico miscere, et postea calefacere, interdum necesse est. Oxygenium autem purissimum à potassæ muriato oxygenato educi potest, quod retorto fictili comminutum calefieri oportet.

Oxygenium in aëre communi, viginti septem ex centum partibus, extat: in aqua octaginta quinque partes in centum facit.

Respirandi munus præcipuum, oxygenium in sanguinem ad transmittendum, videtur, quo calor generatur, et color miniaceus arteriarum sanguini additur.

Oxygenium

Oxygenium aciditatis principium et fons est ; omnia enim acida, ex basi aliqua vel materia fundamentali, cum oxygenio chemicè conjuncto, constant ; et ex differentia baseos uniuscujusque ab aliis, acida singula, naturâ et proprietatibus ab aliis differunt. Hæc acida porrò metallis, terris et alkalinis chemicè alligata, Sales (utì vocantur) Neutrales conficiunt, quorum usus in artibus variis est latissimus. Oxygenium ita fixum, et metallis diversis adjunctum, ponderi addit, sed simul splendori adimit. Singula autem Oxyda (utì appellantur), in proprietatibus valdè discrepant, utpote à modo majori vel minori quo oxygenio imbuta sunt, pendentibus.

Ut combustio fiat, oxygenium adesse prorsus necesse est ; nam combustio ex oxygenii absorptione, luminis et caloris emissionem comitanti, omninò constat. In hoc processu, pars oxygenii à materia cremante absorbetur, quæ ex illo additionem ponderis accipit.

Oxygenium à plantarum foliis viridibus emititur, sub folis calore et lumine.

Hujus aëris detectio summam spem inter medicos peperit oxygenium in multis morbis cu-

randis insigni utilitate fore, in phthisi præsertim. Hæc spes autem propè vana evasit ; nam licèt complures oxygenii usu fructum speciosum perceperint, tamen morbi, brevi cessatione factâ, deinde reversi sunt. Hoc in phthisi præ cæteris enituit, ubi gasis quidem cujusvis potentiâ minimè tanta videretur, ut tubercula in pulmonibus omninò summoveat.

BEDDOES, medicus Anglicus, in hoc aërum usu plurimum omnium fecit, et in multis morbis eventus saluberrimos ex hac medela profitetur, in plerisque autem exemplorum morbos non tolli, tantùm levari, videre est *.

Cùm tamen levamen malorum ægri apud unumquemque medicum optimum, locum præcipuum tenere debet, si ab aliquo aëre adhibito, hoc levamen sperare liceat, in omni exemplo proculdubiò, usurpandus est.

Morbi, quibus BEDDOES oxygenium multùm prodesse invenit, sunt phthisis pulmonalis, asthma, scrophula, anasarca. In his, oxygenium purum interdum ægro dabatur ; sæpius autem,

una

* BEDDOES on Factitious Airs, part iv.

una vel duæ partes oxygenii cum partibus quatuor aëris atmosphærici admixtæ, per horæ quadrantem inspiratæ fuerunt, et sæpius indies repetitæ.

Theoria ingeniosa de causa morborum putrum, à BEDDOES, et aliis pneumaticis, jam excogitata fuit. ¹ Acrimoniam, vel quamlibet affectionem aliam, scorbuti causam proximam à medicis habitam esse, à defectu oxygenii in corpore, originem ducere tenent. Hoc indicari credunt ab ulceribus virulentis, et similibus; à sudoribus fœtidis, in scorbuto interdum apparentibus; et à debilitate summâ, quæ mala putrida comitatur; nam oxygenium, partium quibus apponitur, actionem auget, et cùm inhaletur, pulmonum inflammationem satis magnam creat: omnia quæ, putredini, omninò adversa videntur.

Sanguis in malis putridis, magnam mutationem subire videtur; textura tenuior, et color nigrior fiunt. Remedia, quæ scorbuticorum curationi plurimum inferviunt, ea sunt quæ oxygenii multum continent; et hujus generis, sunt olera recentia. Liquores ex hordeo fermentati, ex eadem causa effectus suos fructiferos, habere possunt:

possunt: Acidum carbonicum dissolvi potest, et oxygenium dimissum, à corpore absorberi. Ab hac theoria, ad oxygenium in scorbuti curatione adhibendum, BEDDOES inductus est, sed haud multum, ut audivi, profecit.



OXYGENIUM CUM NITROGENIO

FORMAT

AURAM ATMOSPHERICAM.

Vitam et flammam alit, sed minore vi, et brevius oxygenio. Cùm hæc, et aër nitrosus simul in unum veniunt, vapores rufi emittuntur.

AERE oxygenio jam fusiùs descripto, de aura communi, haud multa differenda restant: Cùm virtutes chemicas, ab oxygenio quod continet, plerasque deducat, definitionem chemicam, claram et distinctam, hujus aëris dare, difficillimum, imò fere impossibile est.

Aura

Aura Atmosphærica ex oxygenio, nitrogenio, et aëre carbonico, constat; in centum partibus, viginti septem oxygenii, septuaginta duo nitrogenii, unam acidi carbonici, habens. Ita neque combustionem, nec vitam animalium tam diu, nec tam fortiter, ac oxygenium, sustentare valet.

Aër hicce, hydrogenio commixtus, subito grandi strepitu explodit. Gas nitrosum eidem aëri adjunctum, acidum nitrosum, cum fumo rubro, emittit. Animalia quibus vita erepta fuisse videtur, in aëres quosdam pestiferos prius immerfa, interdum ab interitu revocari possint, si auræ atmosphæricæ vel oxygenio admoveantur.

Aëris hujus gravitas specifica, secundum LAVOISIER, est 1.2308.



OXYGENIUM CUM NITROGENIO.

OXYDUM NITROSUM.

Vitam et flammam sustinet, tantulum solum.

Cum ab hominibus inhaletur, risu involuntario et voluptatis sensibus afficit; alios autem aliter. Gustus dulciter sapit.

Hoc

Hoc fluidum aëreum perquam fingulare à PRIESTLEY * primùm repertum est ; sed postea pleniùs et accuratiùs à Chemicorum Batavorum Societate quadam explorabatur, an. MDCCXCII †. Insignis autem proprietas ejus animalia inebriendi, DAVY Pneumatico, anno MDCCXCIX, tantùm innotuit ‡.

Comparari potest, ex carbonatis ammoniæ, solutione fatura in acido nitrico diluto facta. Solutio ista, calore leni, ad ficcitatem usque evaporetur, ammoniâ carbonatâ additâ cùm opus fuerit : fal, hoc modo comparatum, in vase vitreo in balneo arenæ, intra gradum thermometri quingentesimum, postea distillandum est.

Gas inde genitum sub aqua colligi potest, et in horas pauxillas consistere liceat, priusquam usurpetur, ut fæcem, si qua sit, aut aliquid extranei deponere liceat.

Hic aër dotes sequentes possidet : Candela intùs lucet, sed ardore aliquantulò clariore : idem
phosphoro,

* PRIESTLEY's Observations on Airs, &c. vol. ii. p. 54.

† Journal de Physique, 1793.

‡ DAVY on the Nitrous Oxide, p. 456.

phosphoro, carboni ligneo, sulphuri, et similibus, accidit. Cùm hydrogenium huic aëri immisceatur, et unà incendantur, explosio magna, ut sit in aëre atmosphærico, evenit.

Cùm ab homine inhaletur, ebrietatis speciem, per pulmones excitam, inducit; inhalans iste risu violento et involuntario succutitur; pulsus arteriarum crebrescunt, os rubore suffunditur, animus exhilaratur, et in quibusdam, sensus admodum grati esse feruntur; at hujus aëris effectus pro certo majores quàm reverà sunt aliqui extulerunt. Vertiginis et stuporis genus, aëris inspirationem interdum sequitur. Si animalia aliquamdiu in hoc aëre immergantur, percunt.

Oxydum Nitrosum è classe stimulantium diffusibilem esse, DAVY opinatur *; et in systema corporis recipi, à sola dissolutione in sanguine venarum †. A multis experimentis quæ jam fecit, hoc quatenus verum videtur. Stimulus est certè generalis, potens, admodum singularis. Nec dubitari licet, aliquos languore et debilitate postquam

* DAVY on the Nitrous Oxide, p. 548, et seq.

† Idem, p. 374, et seq.

quam inhalâssent, illud affecisse. Semel tantum, et tum parcius, inspiravi; vertigine autem levi captus fui, et postea debilitate et somnulentia.

Mali effectus hujus aëris, in fœminas naturâ infirmiores, et in hypochondriacos*, indicare videntur, vires ejus stimulantibus majores esse quam corporis habitus isti, debiles et facili sollicitati, ferre valent.

E contra, porrò, cum oxydum nitrosum à BEDDOES medico in cura morborum paralyticorum, ubi multa stimulantia prius usitata, qualia sunt, cataplasmata, rubefacientia et fluidum electri, frustra cesserunt, tam prosperè adhibitum fuerit, aliud documentum habemus, hunc aërem classi stimulantium rectè adjungi.

Oxydi nitrosi centum pollices cubici 50.1 grana pendunt †. Centum partes, 36.7 ex oxygenio, 63.3 ex nitrogenio, habent ‡.

Oxydum nitrosum, ut suprâ diximus, in cura paralyticorum adhibitum fuit; et ab usu ejus, fructum insignem perceptum fuisse, Pneumatici tradunt.

OXYGENIUM

* DAVY on the Nitrous Oxide, p. 537, et seq.

† Idem, p. 94.

‡ Idem, p. 100.



OXYGENIUM. CUM BASE MURIATICA.

G A S M U R I A T I C U M.

Tactu aëris communis aut ammoniacæ, vaporem albidum opacum emittit. Aquâ frigidâ citissimè dissolvitur. Odor pungens, sapor acidus est. Acidum carbonicum absorbet.

CIRCA annum MDCCLXVI, CAVENDISH, dum experimenta in aërem inflammabilem instituto ordine consequebatur, hunc aërem ab cupro in acido marino soluto detexit, cujus naturam tunc temporis ignorabat, sed facilitatem quâ ab aqua absorberetur præcipuè miratus est *.

Aliquot annos postea, PRIESTLEY naturam et proprietates ejus plenè descripsit, acidum marinum sub aëris forma illum pronuncians †.

Ut obtineatur, acidum muriaticum calefacere necesse est, et gas super mercurio colligere: vel

C

murias

* Philosophical Transactions, vol. lvi.

† PRIESTLEY,

urias fodæ ab acido fulphurico decomponi potest.

Hic aër odorem pungentissimum excitat : admodum causticus est. Cùm aërem atmosphæricum contingat, vapores denfi albi emittuntur, ab aqua nimirum orientes quæ in atmosphæra latet.

Aquæ celerrimè affociatur, acidum efficiens.

Vitam et flammam brevi extinguit.

Cùm aëres ammoniaci et muriatici commiscantur, nubes alba statim colligitur.

Gravitas specifica hujus aëris est 1.750.

Acidi muriatici basis adhuc non reperta est. GIRTANNER eam sese detexisse credidit, quam hydrogenium putabat : Sed hoc nondum fidem certam et manifestam accepit.

Gas muriaticum laudibus celebratum est, quòd effluvia nosocomiorum putrescentia corrigat vel depellat *.

Acidum muriaticum, alkalinis, terris, et metallis adjunctum, muriates format, quarum plurimæ usibus humanis magnoperè inserviunt, et
in

* Encyclopedie Methodique, article *Chimie*, par Moreau.

in natura affatim inveniuntur. Harum omnium murias fodæ maximè abundat, falis fossilis salinas ingentes, in orbis partibus plurimis, componens ; et soluta saluginem mari præbens.



OXYGENIUM CUM BASE MURIATICA.

GAS MURIATICUM OXYGENATUM.

Colores vegetabiles albescere facit. Metallorum plurima in hoc aëre flammâ splendidâ ardent. Flammam aliquandiu sustinet, sed languidam et rufam reddit. Ammoniam dissociat. In aqua solvitur. Odorem pungentem, colorem viride-fuscum, habet.

AER hicce à SCHEELE primùm repertus est, anno MDCCCLXXIV * : naturam ejus et proprietates, experimentis multis BERTHOLLET deinde accuratissimè scrutatus est †.

Comparari

* SCHEELE'S Chemical Essays, p. 90, et seq.

† Journal de Physique, 1785.

Comparari potest, acido muriatico super oxydo manganefii nigro, distillando ; gas autem proveniens, super mercurio colligi debet. Porro, si acidum muriaticum acido nitroso misceatur, acidum muriaticum oxygenatum primum evolve-
tur, et mistura reliqua, acidum nitro-muriaticum est.

Hujus aëris qualitas princeps est, quod colores vegetabiles ei expofitas omninò perdit ; albidos statim reddit, neque rubro nec fulvo priùs inficiens.

Metalla omnia, præter mercurium, in hoc aëre sponte incenduntur ; quædam vividiffimè ardent, et oxygenio superfluo ab gase acido derivato, in oxyda convertuntur, dum aër iste in acidum muriaticum redigitur.

Phosphorum, sulphur, et quædam alia combustibilia, in hoc aëre incenduntur.

Hic aër animalibus admodum lethalis est ; nihilominus candelæ lumen auget, priusquam extinguat.

Ammonia hoc aëre solvitur : Oxygenium superabundans, hydrogenio ammoniæ associatur, et aquam format ; dum nitrogenium liberum dimittitur,

mittitur, et acidum ipsum in muriaticum commune devertitur.

Gas muriaticum oxygenatum aquâ absorbetur. Odorem, porrò, pungentissimum habet.

Genus salium singulare, hujus acidi conjunctione cum metallis, terris, et alkalinis, constituitur, è quibus Murias Potassæ Oxygenatæ maximè prænitet, quæ varia miranda inflammabilibus et acido sulphurico commixtum exhibet.

Si mixturæ hujus et acidi sulphurici paululum aquæ superfundatur, decrepitatio fit, et scintillæ rufæ à liquoris superficie micare cernuntur. Num hæc vera inflammatio fit, dubitare licet; nam quæ materia inflammabilis in mixtura latet, quæ à calore quem aqua acido sulphurico addita profert, incendi potest? Chemici quidam opinati sunt, quòd calor maximus ab acidi et aquæ mixtione ortus, particulis fluitantibus salis occurrat, et hæ calore disruptæ incandescent, et lumen tale pariant. Sed nullo modo certum est rem ita se habere. Benè constat, multa inflammabilia cum hoc sale mixta, acidi sulphurici additione ignescere: Si, igitur, cum aqua mixturæ supradictæ addatur, aqua à sale dissocietur,

diffocietur, hydrogenium liberetur, et inflammatio, ut in aliis inflammabilibus, deinde fiat, phænomena ista satis explicata videbuntur.

Acidi muriatici usum in vestibus albescendis BERTHOLLET primus proposuit * ; ex quo tempore, ejus monitum plurimi diligenter et auctius secuti sunt. In artibus istis utilitati summæ illud fore, jam spes affulfit.

Calcis oxymurias unâ cum calcis sulphureto, alia dein, alia in macerationibus alternis, jam usu venerunt ; a quibus lintea in vel ad decem dies, alba fiunt, ita ut hac methodo novâ, opera multum compendii acceperit †.



OXYGENIUM CUM BASE FLUORICA.

G A S F L U O R I C U M.

Odorem peculiarem habet : Terram filicis dissolvit.

ANNO

* Annales de Chimie, No ii. & vi. BERTHOLLET on Bleaching, 8vo.

† HIGGINS on Bleaching. Lond. 1799.

ANNO MDCCLXXI, SCHEELE, in *Fluore* lapide experimenta tentans *, hujus aëris naturam acidam observavit, et tantâ industriâ rem scrutatus est, ut à LAVOISIER penè omnia huic pertinentia investigâsse perhibetur †. Ante illum, quidem, MARGRAFF et DUX de LIANCOURT, in fluore experimentis plurimis perfectis, aciditatem ejus fermè confirmaverunt.

Abundanter extat in *fluatibus* calcis, à quibus elici potest, acido sulphurico infuso ; et gas proveniens super mercurio colligi debet.

Hoc fluidum aëreum, virtutem singularem, terram silicis dissolvendi, et solutam sub forma aërea tenendi, habet. Proprietatem hanc egregiam, quæ discrimen manifestum inter hunc et aëres alios luculenter constituit, MARGRAFF, circa annum MDCCLXVIII primus observavit.

Gas fluoricum, violarum syrupum etiam rube-
facit. Ab aqua citissimè absorbetur, et acidum fluoricum facit.

Animalibus brevi vitam adimit, et flammam
extinguit.

* SCHEELE's Chemical Essays, p. 1. et seq.

† LAVOISIER's Elements by Ker, 4th edit. p. 312.

extinguit. Gravior est aëre communi. Basi
ejus chemici nondum reperiêrunt.

—<—>—>—

OXYGENIUM CUM SULPHURE.

G A S S U L P H U R O S U M.

Odorem fulphureum, saporem acidum, habet.

Aliquos colores cœruleos vegetabilium rube-
facit.

PRIESTLEY hujus aëris repertor haberi potest,
ut qui primus ejus proprietates et ortus arctè in-
vestigavit, et post eum, acido fulphurico chemici
multi operam impenderunt.

Obtineri potest, acido fulphurico calefacto,
vel eodem à quibusdam metallis diffociato;
deinde super mercurio vel aqua colligere opus
est. Ponderosus est, cum odore fulphureo pun-
genti. Vitæ et flammæ infestus; ab aqua for-
beri potest; glaciei conjungitur, et flectere cogit.
Rubefacit, et quidem delet, quosdam colores ve-
getabilium cœruleos. Gas sulphurosum à fri-
gore acerbissimo densari potest, et in statum li-
quidum redigi.

Acidi

Acidi sulphurici usus in complurimis artium multus est, in chemiâ præsertim. In medicina pro caustico externè adhibetur; et internè, cum dilutione tenue redditum fuerit, pro refrigerante et antiseptico.

Gravitas hujus aëris specifica est, 1.8856. Pes cubicus ponderis habet 824.98 gr.

---<--->---

OXYGENIUM CUM CARBONE.

G A S C A R B O N I C U M.

Tincturam heliotropii rubefacit: aquam calcis præcipitat. Ponderosum est; odore pungenti, sapore acido.

PROPRIETATES et natura hujus aëris ab illustrissimo BLACK, circiter annum MDCCCLV, primùm accuratiùs exploratæ sunt. Multos annos ante eum, à BOYLE philosopho, repertus fuerat; qui cum à creta effervescente obtinuisset, aëris definitioni suæ, cum congruere invenit, quippe permanenter elasticus et aëriiformis erat, sed vitam et flammam celerrimè extinguens *.

D

Res

* BOYLE's Works, vol. iv. p. 236.

Res in hoc statu, quodammodo, manfit, et hic aër nomen *aëris fixi* adeptus est, ut ab illo, atmosphæram constituyente, distingueretur. Modus comparandi etiam pernotus erat; et remedio in morbis febrilibus adhibebatur. BLACK suprâ laudatus, qui naturam acidam hujus aëris retendo, et chemiæ pneumaticæ fundamenta pulcherrima jaciendo, famam perennem sibi meritò peperit, tractatum de experimentis suis in aëre carbonico, anno MDCCLV edidit *.

Acidum sub forma aëris in natura abundanter extat, ut in metalli fodinis, antris, et locis similibus; et præsentiam ejus, infortunia dira quæ ibi, sæpè accidunt, fatis superque demonstrant. A creta, lapide calcareo, et talibus, copiosissimè comparari potest, acido sulphurico infuso, quod calci chemicè sese adjungens, acidum carbonicum, aëris statu, liberum dimittit. Acidum carbonicum quoque obtinere licet, si carbonem ligneum in gase oxygenio comburamus.

Exiguam

* Essays and Observations, Physical and Literary, 8vo. Edin. vol. ii. p. 157, et seqq.

Exiguam partem, unam in centum, aëris atmosphærici, gas carbonicum efficit : et in corporibus complurimis naturæ quoque extat.

In fermentandi et respirationis opere et actione, gignitur.

Proprietates ejus insigniores sunt : Rubore clariori tincturam heliotropii afficit ; saporem subacidum habet ; colore caret ; vita animalium hoc aëre subitò perit ; candelæ quoque flamma statim extinguitur. Aquæ lentius conjungitur, aquam aëratam formans. Cùm aqua calcis huic aëri apponatur, calx alba copiosa seorsum projicitur, quæ Calcis Carbonatæ nomen habet.

Gravitas specifica aëris carbonici est 1.8454 ; pedis cubici pondus 807.34 gr. Ex partibus centenis acidi carbonici, viginti octo ex carbone, septuaginta duo ex oxygenio constant.

Acidum hocce debilissimum est ; affinitatis enim vis combinatrix ejus, ferè omni acido alii succumbit.

Acidi carbonici usus in morbis compluribus medendis, certissimè profuit : Haustus salini effervescentes, jamdiu inter omnes noti sunt ; atque virtutes etiam eorum oriri ab aëre fixo quem continent,

continent, vulgò subintelligitur. Liquores hordeaci fermentati, ad scorbutum depellendum in navigationibus longis, summo beneficio fuerunt, et hoc, aëri carbonico soli qui inest attribui potest.

Aëris carbonici virtutes in carcinomate, pro medela apud quosdam summis laudibus prædicantur; at è contrà, medici alii parùm aut nihil beneficii inde derivari invenerunt.



GAS NITROGENIUM.

Vitam et flammam celerrimè extinguit. Ab acido nitrico sorberi potest: cui colorem subrufum impertit. Aquâ calcis immixtum, nulum fit præcipitatum.

HUNC aërem MAYOW novisse videtur, qui in eo plurima experimenta tentavit, vitam et flammam extinguendi proprietatem ejus perspexit*,
et

* MAYOW, Tractatus primus, p. 108.

et porrò animantia in summo vase vitreo, cum aëre communi vitiato, impleto, citiùs expirare ; quòd a levitate majori particularum noxiarum accidere credidit *.

Circa annum MDCCLXXII, RUTHERFORD noster in hoc aëre experimenta quædam fecit, quem paravit, puram partem ab aëre communi abstrahendo ope potassæ causticæ, etiamque candelam in vase aëris communis consumendo, quem aërem ab aëre fixo vel ullo alio longè discrepantem, demonstravit : compositumque ex phlogisto et aëre communi arbitratus est †.

Eodem serè tempore, PRIESTLEY eundem aërem investigavit, et Aërem Phlogisticatum nominavit.

LAVOISIER postea, aërem communem ex duobus compositum reperit ; aëremque phlogisticatum

* MAYOW, Tractatus primus, p. 124.

† RUTHERFORD de Aëre Mephitico, Edinburgi, 1772, p. 5.—20.

‡ PRIESTLEY on Airs, vol. i. p. 177,—195.

tum (cui nomen Azotici indidit) tres partes ex quatuor in atmosphærico conficere *.

Hic aër noxiosus, *Nitrogenii* nomen adeptus est, utpote significacius ; atque hoc utor ob eam causam, et ut vocabulum eodem modo quo gasium simplicium cæterorum nomina, finiat.

Gas nitrogenium, et brevi candelam ardentem extinguendi, et animantia immerfa necandi, vim habet. Multò levius aëre communi est ; nec colorem nec saporem possidens.

Gravitas specifica est 1.1890. Pedis cubici pondus 520.17 grana invenitur.

Hic aër comparari potest, oxygenium ab aëre communi abstrahendo, ope sulphureti potassæ soluti, quo nitrogenium purum restat. Aliter, è carne musculari ab acido nitrico dissociata, haberi licet ; cùm nitrogenium sub forma aërea emittitur, et super aqua colligi potest.

Gas nitrogenium in natura abundat, ut partes septuaginta duo ex centum in aëre communi præbet. In vesicula natatoria cyprini, et forsan piscium quorundam aliorum, extat.

Nitrogenium

* LAVOISIER's Essays on Atmospheric Air, by HENRY.

Nitrogenium unum ex elementis necessariis rerum animantium format, conjunctum hydrogeno, carboni, et oxygenio. Inde in putrefactione, ex hydrogeno et nitrogenio inter sese sociantibus, ammonia efficitur. Nitrogenium quoque discrimen maximum inter animata et vegetabilia ponit; ab hoc enim naturam et proprietates peculiares sui generis, animata adipiscuntur. Quædam vegetabilia autem aliquid nitrogenii habent, in quo numero farinæ gluten, gummi elasticum, fæcula, et materiam ligneam, FOURCROY invenit: Hæc in acido nitrico macerata, plus nitrogenii quàm pleraque rerum aliarum vegetabilium, remittunt *.

Nitrogenium acidi nitrici basis est, et ratione viginti unius partium in centum inest. Hydrogeno associatum, ammoniam facit; sed cum tantum misceatur, quod appellant Gas Hydrogenium Nitrogenatum, format. Nitrogenium sulphur dissolvit, et fluidum quoddam aëreum efficit, adhuc parum cognitum. Idem cum carbone, acidi *prussici* basin constituit.

Nitrogenium

* FOURCROY's Elements by THOMSON, vol. iii. p. 483.

Nitrogenium pro elemento simplice, adhuc habetur, licèt GIRTANNER, compositum hydrogenii cum oxygenio, hoc ostendere conatus est * ; sed nullus alius chemicus, fidem, experimentis, illi fecit, ita quidem verisimile est, aliquid erroris in GIRTANNER tentaminibus latuisse.

Si unquam reverà demonstratum fuerit, nitrogenium ex his duobus constare, multa quæ nunc obscura et perplexa sunt, rationem claram et luculentam accipient. Modus quo nitrogenium ingens in carne animali, ab alimentis communibus gignatur, clariùs patebit : quo modo partes aquosæ alimenti diffociatæ, hydrogenium præbent, et oxygenium, non solum ab aqua, sed rebus etiam vegetabilium, quæ tantum alimenti nostri faciunt, evolvitur.

Nitrogenium in cura aliquorum morborum, ab affectione spasmodica, vel irritabilitate nimis aucta, orientium, adhibitum est : quando aërem minus purum et minus stimulantem, utilem fore censetur ; rarò tamen, quia hydrogenium carbonatum loco ejus plerumque usurpatur.

NI.

* Philosophical Magazine, May 1800. Annales de Chimie, No, 99, 100.



NITROGENIUM CUM OXYGENIO

G A S N I T R O S U M.

Oxygenio vel aëri communi adjunctum, vapores rufos emittit: colorem subviridem flammæ impertit, priusquam extinguat.

Hoc fluidum aëreum VAN HELMONTIO pro certo notum fuit, qui ex argento soluto ab acido nitroso id obtinuit, et nomen Gas Sylvestris ei imposuit *.

MAYOW hunc aërem quoque memoravit, et quædam è proprietatibus ejus, novisse videtur †. Postea, HALES ingeniosus vestigia illius relegit, et aërem huncce è pyrite Waltoni et mercurio nitrato elicuit ‡. PRIESTLEY, circa annum salutis humanæ MDCCLXXII, hunc aërem suo Marte

E ferè

* VAN HELMONTII Ortus Medicinæ.

† Tractatus quinque Medico-Physici. Oxon. 1674. Tract. i. p. 138, et seqq.

‡ HALES' Statical Essays, vol. ii. p. 280, et seqq.—Prospectus Medicinæ Pneumaticæ, GULIELMO WARD auctore. Edin. 1800. p. 37.

ferè denuo reperit, et naturam propriaque ejus demonstravit*.

Aër hicce parari potest, acido nitrico a metallis, oleis, phosphoro, carbone ligneo, et inflammabilibus plurimis aliis, diffociato; et gas super aqua colligendum est.

Colore eget; odorem pungentem suffocantem habet, sed saporem nullam.

Cùm oxygenio vel aëre communi misceatur, vapores rufi evolvuntur, et acidum nitrosum formatur.

Aër nitrosus animalibus lethalis est, ignemque extinguit.

Gravitas specifica ejus est 1.4631. Pedis cubici pondus 640.09.

Aëris nitrosi compositionem, CAVENDISH sagax detexit, qui in tubum vitreum, septem partes aëris vitalis, et tres partes gasis nitrogenii immisit; deinde scintillâ electricâ transmissâ, hujus mixturæ quantitas multum diminuta est, et in acidum nitrosum mutata; hinc deduxit argumenta acidum idem ex septem oxygenii, tribus
partibus

* PRIESTLEY on Airs, vol. i. p. 328.

partibus nitrogenii, constare *. Multi chemici illustres hoc experimentum de novo instituerunt, et comprobarunt. Aëris nitrosi partes centum, oxygenii sexaginta octo, nitrogenii triginta duas, continent.

Composita acidi nitrosi et metallorum, terrarum, cæterorumque, multo usui in artibus et in medicina sunt. Ipsum acidum dilutum in artibus magnam utilitatem, et in re chirurgica, causticum, præbet.

In lue venerea bono fructu nuper administratum fuit. HOPE clarissimus noster, usum acidi cum mercurio fociante laudat, quod etiam in ascite cum beneficio multo dedit †.

Acidum nitrosum adhibitur ad eruptiones quasdam cutaneas summovendas, tineam, exempli gratiâ, et herpetem, aquâ multum extenuatum, quo partes ægræ frequenter lavantur.

SMITH, medicus Anglicus, gas nïtrosum, anno MDCCXCVII, ad contagionem debellandum, prosperè usurpavit. Aër conclavis contagione infecti,

* Philosophical Transactions, vol. lxxiv.

† Clinical Lectures, 1801—2.

infecti, vaporibus nitri, acido sulphurico soluti, in poculis parvis super arena candente positis, imbutus erat. Hoc ter in die repetitum fuit *. In hoc opere, nitrum dissociatur; alkali ejus acido sulphurico additur; et acidum nitrosum, sub vaporis forma, liberatur.

—<—>—>—

NITROGENIUM CUM HYDROGENIO.

GAS AMMONIACUM.

Colores rufos et cœruleos vegetabilium, virides facit: glaciem solvit: odorem pungentem, et saporem acrem habet.

Hujus fluidi aërei, inventum primum PRIESTLEY debemus, qui anno MDCCLXXII, experimenta compluria in ammonia fecit, et aërem perpetuò elasticum, ab alkalino volatili caustico, obtineri posse docuit, cui aëri nomen Gasis Ammoniaci indidit †.

Circa

* Vide A Treatise on the Destruction of Contagion by the Nitrous Acid, by JAMES CARMICHAEL SMITH, M.D. Lond. 1798.

† PRIESTLEY on Airs, vol. i. p. 163, et seqq.

Circa annum MDCCCLXXXV, BERTHOLLET, experimentis multis ingeniosis, monstravit hunc falem hydrogenio et nitrogenio constare ; et in hanc rem, disjunctionem celerrimam ammoniæ ab oxydis metallicis observando, primò inductus est *.

Hic aër, super mercurio, ammoniâ liquidâ calefactâ, parari potest ; aut ab fale ammoniaco, cum calce viva permixto.

Proprietates hujus aëris sunt : Syrupum violarum viridem reddit ; flammam et vitam animalium extinguit ; facillimè aquâ absorbetur. Cùm glacies in hoc aëre ponatur, citò liquefcit.

Aër ammoniacus aliquanto levior atmosphærico est, quippe cujus gravitas specifica 0.73539 est. Centum partes ammoniæ, nitrogenii 80.7, hydrogenii 19.3 continent.

Crepitus violentus cùm oxydum auri ammoniatum à calore dissociatur, jamdiu pernotus est : detonatio argenti fulminantis violentior quoque est, et vel à tactu levi efficitur. Mercurius fulminans,

* Mém, de l'Acad. 1785.

minans, nuper repertus, hanc proprietatem detonantem admodum possidet *.

Gas ammoniacum in medicina aut in artibus nondum adhibitum est; sed ammonia, sub forma liquida vel solida, medici pro stimulante et aperiente validiori, usi sunt.



GAS HYDROGENIUM.

Aër inflammabilis; vitam et flammam extinguens. Cum ardore splendido, albido vel rufo, urit: odorem cepæ habet.

DOCTISSIMUS BOYLE vaporem inflammabilem in metalli carbonisque fodinis existere animadvertit, ab operariis *Fire-damp* appellatum; qui interdum ignem concipiens, explosiones diras efficeret †.

Circa

* Philosophical Transactions, 1800, Part i. article HULME on Fulminating Mercury.

† BOYLE's Works, vol. iii. p. 101.

Circa annum MDCCXXXVI, JOANNES MAUD aërem ex ferro, ab acido sulphurico soluto, elicit, quæ inflammabilis erat, et cujus proprietates, aërem inflammabilem carbonis fodinarum retulerunt, in quem experimenta quædam pergit; et aëre, in vesicis collecto, Societati Regiæ Londinensi palam ostendit *.

Quadraginta annis ferè elapsis, PRIESTLEY illustri, multa in aërem inflammabilem tentamina fecit, et scientiam de illo multum auxit; ex quo tempore, proprietates, conjunctiones, et usus in natura, plurimi acriter investigaverunt.

Hic aër igni obnoxius, in metalli fodinis, carbonariis, et puteis, copiosissimè extat; in quibus locis interdum candelis operantium incensus, diras et sæpissimè lethales explosiones edit.

Gas Hydrogenium parari potest, acido sulphurico diluto in ferrum infundendo; aqua acidi dissociatur, et hydrogenium ejus liberatur: vel obtineri potest, aquâ per tubum ferreum candentem transmissâ; aqua dissociatur, oxygenium
ejus,

* Philosophical Transactions abridged, vol. ix. p. 396.

ejus ferrum adsciscit sibi, et aër alter demittitur.

Fluidum aëreum ita productum, levissimum est; colore eget, et odorem ingratum habet. A candela vel scintilla electrica incendi potest, et flammâ albidâ ardet. Citissimè animalia conficit. Si una pars hydrogenii et duæ aëris communis unâ incendantur, explosio modica fit. Hæc causa est explosionum violentarum in carbonis fodinis interdum accidentium, ubi aër hydrogenium à communi multùm corrumpitur.

Gravitas specifica ejus est 0.094671; pes cubicus 41.41 grana pendit.

Gase hydrogenio combusto, aqua formatur, quod à ingenioso CAVENDISH, anno MDCCLXXXI, primùm repertum est *. LAVOISIER †, anno MDCCLXXXIII, aliqua experimenta admodum accurata fecit, quæ in aquæ centum partibus, hydrogenii quindecim, oxygenii octaginta quinque, extare docuerunt. Hydrogenium, oleorum, bituminum, et similium, basis est: quæ combusta,

* Philosophical Transactions, vol. lxxiv.

† Mém. de l'Acad.

ta, hydrogenium, cum acido carbonico et nitrogenio mixtum, edunt. Emitteritur, quoque, plantis quibusdam, ut dictamnus albus, atmosphæra quasi inflammabili plantam cingens, quæ tactu flammæ incendi potest.

Hydrogenium in ammonia extat, nitrogenio conjunctum. Aër iste, sulphur, carbonem et phosphorum dissolvit; ibidemque, gasea hydrogenia sulphurata, carbonata et phosphorata, format.

Fermentatio vinacea dissolutione aquæ oritur; cujus oxygenium carboni additur, acidum carbonicum efficiens, quod dimittitur, et alcohol ab hydrogenio reliquo carbonis et oxygenii portioni parvæ conjuncto formatur. Dum plantarum folia sub folis calore gas oxygenium reddunt, simul hydrogenium absorbent.

LAVOISIER, stratum quoddam aëris inflammabilis in atmosphæra summa existere credidit*, et chemici posteriores aliquantum hujus aëris cum oxygenio conjunctum, et ab scintilla electrica

F

incensum,

* LAVOISIER's Elements, by KERR, p. 79. 4th edit.

incensum, tonitru efficere, et aquâ natâ, imbres dimittere, opinati sunt *.

Hydrogenium a materiis animalium putrescentibus evolvitur, et nitrogenio chemicè associatum, ammoniam format, quæ semper putrefactioni adest.

Gas hydrogenium, aliquot annos antè, ad machinas aëronauticas implendas, à MONTGOLFIER repertas, adhibitum est, et ex levitate summâ usui huic optimè inserviit.

Hydrogenium purum inspiratum, pectus admodum opprimit, et sensum suffocationis ciet, vertigine interdum comitanti †. In usus medicos, ternâ vel quaternâ portione aëris atmosphærici redigere necesse est; et in hoc modo, datum phthisi laborantibus, dolores sublevando et somnum suadendo, interdum profuit ‡.

HY-

* FOURCROY's Elements, by THOMSON, vol. ii. p. 142.

† DAVY on the Nitrous Oxide, p. 400.

‡ BEDDOES on Factitious Airs, Part i. p. 42.

*HYDROGENIUM CUM NITROGENIO.*

GAS HYDROGENIUM NITROGENATUM.

Difficillimè ardet, cum flamma cœrulea lambente. A paludibus sponte nascitur.

Fontes igniferi, uti vocantur, jamdiu innotuerunt, et magnam admirationem vulgi excitavêre, licèt philosophi nihil dubii habuerunt quin hæc phænomena aëri cuidam inflammabili super aqua volitanti debebantur. Hoc à VOLTA clarè demonstratum est, qui multa experimenta in hunc aërem peregit, et usque adeò processit, ut sclopetum aëre inflammabili implendum confecerit, cui aëri nomen Aëris Inflammabilis Paludum dedit *.

FOURCROY et BERTHOLLET aërem istum attentius investigârunt, et ex hydrogenio et nitrogenio tantùm commixtis, non chemicè associatis, constare reperêrunt †.

In

* Lettres sur l'Air Inflammable des Marais, par ALEXANDRE VOLTA. Strasbourg, 1778.

† FOURCROY's Elements, vol. iii. p. 493.

In locis quibusdam paludosis fatis abundat ; interdum in fontium superficie apparet, cui cum candela incensa adhibeatur, visio speciosa oritur ; quippe aër ardet, et flammæ in summa aqua ludent. Tales fontes sunt, iste celeberrimus prope Cracoviam in Polonia ; in provincia Gallica Delphinensi ; et ad Brosely, in vicecomitatu Salopiæ.

Hic quoque in progressu putrefactionis formatur, et ex distillatione materiæ animalium variæ et diversæ haberi potest. Tardè uritur, flammâ cœruleâ lambente : et unâ cum oxygenio, difficulter explodit, quippe aëris communis quantitatem suam duodecies auctam poscit, ad fragorem vel modicè grandem edendum.



HYDROGENIUM CUM PHOSPHORO.

GAS HYDROGENIUM PHOSPHORATUM.

Tactu aëris communis, inflammatur ; et coronæ formam induit, dum ardet, cum fœtore teter-rimo.

GAS hocce singulare GENGEMBRE primus observavit, qui id, eodem ferè modo, quo hodie, consecutus

consecutus est ; scilicet, aliquanto phosphori in solutione potassæ causticæ, cocto, qua re, aqua dissociatur, et hydrogenium ejus, aliquantum phosphori solvendo, gas hydrogenium phosphoratum format, quod super mercurio colligendum est.

Aër hic, dotem insignem inflammationis spontaneæ habet, ad aëris communis vel oxygenii contactum. Hæc efficitur, à phosphoro flammam concipiente, et hydrogenio illam communicante. Dum combustio peragitur, circuli parvi vaporis albi, à gase oriuntur.

Gas quod memoramus, animalibus lethum infert ; et fœtorem olentissimum, piscium putrescentium ei similem, edit.

Hic aër à piscibus putrescentibus emitti videtur, et huic quoque, ut verisimile est, fœtorem, et forsan phosphorescentiam suam, debent.

HULME, qui multa, in hac re, experimenta tentavit, pisces putrescentes naturam luminosam, perdere invenit, cùm misturâ frigorificâ, circumdati essent * ; quod forsan à putrescendi cursu,

* HULME. Philosophical Transactions, part 1. 1830.

curfu, frigore impedito, orfum eft ; fed etiam in lumine cicindelarum extinguendo, hoc valere reperit, quod tantum alicui diffociationi materiæ luminosæ, attribui potest ; et si ea materies, hydrogenium phosphoratum esse semel probata fuerit, nonne phosphori combustioni impeditæ, calorigi inopiâ, debetur ?



HYDROGENIUM CUM SULPHURE.

GAS HYDROGENIUM SULPHURATUM.

Odorem foetidum habet : flammâ cœruleâ-rufâ ardet.

Hic aër primùm accuratè à BERGMAN obser-
vabatur, qui proprietates ejus præcipuas demon-
stravit, et nomen Aëris Hepatici dedit †.

Sub statu aëriiformi extat in cœmeteriis, et
latrinis neglectis. In aqua solutus, aquas sul-
phureas creat ; cujus generis sunt eæ ad Aquif-
granum in Germania, Baregium et Montmoren-
ciacum

† BERGMAN's Essays, vol. i. p. 285.

ciacum in Gallia, Harrogatenfes in Anglia, et Sancti Bernardi in Scotia.

Gas hydrogenium fulphuratum parari potest, fulphureto aliquo alkalino ab acido soluto; et aër super mercurio colligi debet. Multò gravius aëre communi est; odorem valdè fœtidum habet; et citò animalia letho dat. Cùm, corporis alicujus igniti tactu, inflammetur, ardore pallido-rufo cœruleo uritur. Res metallicas nigrescere, et contaminari facit. Contactu aëris atmosphærici diffociatur, et sulphur quod tenuerat solutum, deponit; nam secundum GENGEMBRE, sulphuris in hydrogenio tantùm solutio est.

Hoc fluidum aëreum medicinâ non adhuc usurpatum est; sed aquæ hunc tenentes, magnam æstimationem diu habuerunt; licèt effectus forsan, famæ haudquaquam respondent: pro certo tamen verisimile est, particulas sulphureas in tanta aqua subtilissimè divisas, vim et potentiam magnam asferre posse.



HYDROGENIUM CUM CARBONE.

GAS HYDROGENIUM CARBONATUM.

Ardet flammâ cœruleâ, cum scintillis rufis vel albis. Musculis animalium, colorem miniaceum impertit.

Hoc potius mixtura quàm combinatio chemica carbonici cum hydrogenio, esse videtur; et parari potest, aquæ vapore calidæ super carbone ligneo candente, transmissio; ubi aqua quidem diffociatur, et hydrogenium parti alicui carbonis adjungitur, eoque fit hydrogenium carbonatum.

Hic aër odorem penetrantem et insuavem habet; flammâ cœruleâ ardet, et multò gravior hydrogenio est. Brevi vitam et flammam extinguit.

Hydrogenium carbonatum fundamen est oleorum et sevorum, quippe centum partes olei olivarum constant ex septuaginta novem carbonis et viginti unum hydrogenii.

In quibusdam exemplis, ubi cadaver sub aqua fluente relictum fuerit, nitrogenium dimittitur,
hydrogenium

hydrogenium et carbo unà restant ; inde materies pinguis quædam è carne musculari cadaveris, sebum cete referens, formatur. Hoc quoque monstrari potest, carne musculari ab acido nitrico dissociatâ, quòd nitrogenium dimittit è carne, et hydrogenium et carbo relinquuntur, et materiam oleaceam formant.

Aliquantulum oxygenii in oleis contineri apparet. Animalium fæces maximè è carbone constant, et distillatæ, multum olei præbent.

Fluidum aëreum quod CRUICKSHANKS nuper reperit, et Oxydum Gaseum Carbonis nominavit, hydrogenio carbonato fortassè affine est, et congeries oxygenii, carbonis et hydrogenii putatur. Paratur, ope caloris, ex oxydis metallicis cum carbone mistis, et flammâ cœruleâ lambente ardet ; aëre communi quoque aliquid gravius est. Varietas alia singularis hydrogenii carbonati, ex mistura trium partium acidi sulphurici et unius partis spiritûs vini gignitur, quæ flamma cœruleâ lambente quoque ardet ; et dum uritur, guttæ olei formantur, et in lateribus vasis restant.

Plantæ vivere et florere eximiè in gase hydrogenio carbonato videntur : hæc forsan est causa cur terræ stercorationes, res putrescentes et animalium et vegetabilium, habentes, quæ tantum hujus aëris edunt, tantam fœcunditatem et ubertatem generi plantarum afferant *.

Hic aër animalibus admodum nocet : inspiratio ejus, effectus sedativos fortes edit, et vitam, brevi tempore, extinguit. Quando tamen multùm dilutum est, illum inspirare licet ; vertigo atque ægritudo sequuntur, et pulsus arteriarum, citi et debiles fiunt. DAVY hydrogenium carbonatum purum inspirare ausus est, quod effectus admodum terrificos excitavit ; vertiginem nempe magnam, suffocationis sensum, sentiendi defectum, et similia †.

Hydrogenium carbonatum cum aëre communi multùm dilutum, in exemplis quibusdam inflammationis, tussium, phthiseos, fructu adhibitum fuit, et à vi sedativa irritationem auctam pulmonum

* DAVY on the Nitrous Oxide, p. 564.

† Idem, p. 468.

num in his minuere videtur. In hos usus dari debet, vicies vel trigesies aëris communis tanto addito* ; et tum demum quidem cautissimè administrandum est ; nam vel extenuatum, effectus in ægrum minime cupiendos, edidisse noscitur, præsertim cum uno tempore diu inspirari contingat.

* CAVALLO on the Medicinal Properties of Factitious Airs. London, 1798, p. 108.



